

Тәуелсіз Мемлекеттер Достастығына қатысушы мемлекеттердің аумақтарында терроризмге қарсы бірлескен іс-шараларды ұйымдастыру және өткізу тәртібі туралы ережені бекіту жөніндегі хаттаманы бекіту туралы

Қазақстан Республикасының 2004 жылғы 4 қазандағы N 599 Заңы

Кишиневте 2002 жылғы 7 қазанда жасалған Тәуелсіз Мемлекеттер Достастығына қатысушы мемлекеттердің аумақтарында терроризмге қарсы бірлескен іс-шараларды ұйымдастыру және өткізу тәртібі туралы ережені бекіту жөніндегі хаттама бекітілсін.

Қ а з а қ с т а н Р е с п у б л и к а с ы н ы ң

Президенті

**Тәуелсіз Мемлекеттер Достастығына қатысушы
мемлекеттердің аумақтарында терроризмге қарсы бірлескен іс-шараларды
ұйымдастыру және өткізу тәртібі туралы
ережені бекіту жөніндегі**

Хаттама

Бұдан былай Тараптар деп аталатын, осы Хаттамаға қатысушы мемлекеттер, терроризмнің адамдардың өмірі мен денсаулығына төндіретін қауіптілігін сезіне
о т ы р ы п ,

терроризмге қарсы күреске қатысты халықаралық құжаттарды назарға ала отырып,
Тәуелсіз Мемлекеттер Достастығына қатысушы мемлекеттердің аумақтарында терроризмге қарсы бірлескен іс-шараларды өткізуге үлкен мән бере отырып,
төмендегілер туралы келісті:

1. Осы Хаттаманың ажырамас бөлігі болып табылатын Тәуелсіз Мемлекеттер Достастығына қатысушы мемлекеттердің аумақтарында терроризмге қарсы бірлескен іс-шараларды ұйымдастыру және өткізу тәртібі туралы ереже, бұдан әрі Ереже (қоса беріліп отыр) бекітілсін.

2. Осы Хаттама Тараптардың қажетті ішкі мемлекеттік рәсімдерін орындағаны туралы депозитарий үшінші хабарлама алған күні күшіне енеді. Осындай рәсімдерді кешірек орындаған мемлекеттер үшін ол депозитарий тиісті хабарламаларды алған күні күшіне енеді.

3. Ережеге жеке хаттамамен ресімделетін өзгерістер мен толықтырулар енгізілуі мүмкін, ол осы Хаттаманың 2-тармағында көзделген тәртіпте күшіне енеді.

4. Осы Хаттама күшіне енгеннен кейін басқа мемлекеттердің қосылуы үшін ашық. Қосылушы мемлекет үшін ол депозитарий тиісті хабарлама алған күннен бастап 30 күн өткеннен кейін күшіне енеді.

5. Осы Хаттама күшіне енген күнінен бастап бес жыл бойы қолданыста болады.

Осы мерзім өткен соң, егер Тараптар өзге шешім қабылдамаса, осы Хаттаманың қолданысы әр кезде бес жылдық кезеңге өздігінен ұзартылып отырады.

6. Тараптардың әрқайсысы шығуынан кемінде алты ай бұрын депозитарийге бұл туралы жазбаша хабарлама жолдай отырып, осы Хаттамадан шыға алады. Осы Хаттамадан шығу мемлекетті осы Хаттаманың Тарабы болған кезде алған қаржы міндеттерінен босатпайды.

Кишинев қаласында 2002 жылғы 7 қазанда орыс тіліндегі жалғыз түпнұсқа данада жасалды. Түпнұсқа дана Тәуелсіз Мемлекеттер Достастығының Атқару комитетінде сақталады, ол осы Хаттамаға қол қойған әрбір мемлекетке оның куәландырылған көшірмесін жіберетін болады.

Әзірбайжан Республикасы үшін *Молдова Республикасы үшін*
Армения Республикасы үшін *Ресей Федерациясы үшін*
Беларусь Республикасы үшін *Тәжікстан Республикасы үшін*
Грузия үшін *Түрікменстан үшін*
Қазақстан Республикасы үшін *Өзбекстан Республикасы үшін*

Қырғыз Республикасы үшін *Украина үшін*

Ескертпе: Ресей Федерациясының Ескертпесін қараңыз.

Осы мәтін Тәуелсіз Мемлекеттер Достастығына қатысушы мемлекеттердің аумақтарында терроризмге қарсы бірлескен іс-шараларды ұйымдастыру және өткізу тәртібі туралы ережені бекіту жөніндегі 2002 жылғы 7 қазандағы Хаттаманың мемлекеттік тілдегі тең аудармасы болып табылатындығын растаймын.

Қ а з а қ с т а н Р е с п у б л и к а с ы
Ұ л т т ы қ Қ а у і п с і з д і к К о м и т е т і

Департамент бастығының орынбасары

Тәуелсіз Мемлекеттер Достастығына
қатысушы мемлекеттердің аумақтарында
терроризмге қарсы бірлескен
іс-шараларды ұйымдастырудың және
өткізудің тәртібі туралы ережені
бекіту туралы 2002 жылғы 7 қазандағы
Хаттамаға қосымша

**Тәуелсіз Мемлекеттер Достастығына қатысушы
мемлекеттердің аумақтарында терроризмге қарсы бірлескен іс-шараларды
ұйымдастырудың және өткізудің тәртібі туралы
Ереже**

Осы Ереже Тәуелсіз Мемлекеттер Достастығына қатысушы мемлекеттердің (бұдан әрі - Тараптар) аумақтарында терроризмге қарсы бірлескен іс-шараларды ұйымдастыру негіздерін және өткізу тәртіптерін айқындайды.

1. Жалпы ережелер

1.1. Осы Ережеде қолданылатын түсініктердің мынадай мағыналары бар:
терроризмге қарсы бірлескен іс-шаралар - Тараптардың құзыретті органдарының сұрау салатын Тараптардың аумақтарында терроризмге қарсы арнайы құрылымдары арқылы келісілген біртұтас түпкі ой мен жоспар бойынша өткізетін іс-шаралары;

терроризмге қарсы арнайы құрылымдар - Тараптардың терроризмге қарсы күрес үшін өздерінің ұлттық заңдарына сәйкес жасақтаған мамандар тобы;

терроризмге қарсы бірлескен іс-шараға қатысушылар - терроризмге қарсы арнайы құрылымдардың жеке құрамы, терроризмге қарсы бірлескен іс-шараларды өткізу кезіндегі терроризмге қарсы арнайы құрылымдардың басқару органдарының қызметкерлері және осы іс-шараларға қатысушы басқа да адамдар;

сұрау салатын Тарап - өз аумағында терроризмге қарсы бірлескен іс-шараларды өткізу үшін терроризмге қарсы арнайы құрылымдарды жіберу туралы сұрау салатын Тарап (бұдан әрі - көмек көрсету туралы сұрау салу);

сұрау салынатын Тарап - сұрау салатын Тараптың терроризмге қарсы бірлескен іс-шараларды өткізу үшін терроризмге қарсы арнайы құрылымдарды жіберу туралы сұраумен өтініш жасалатын Тарабы;

құзыретті орган - Тараптың терроризмге қарсы күресті ұлттық заңдарға сәйкес жүзеге асыратын және терроризмге қарсы бірлескен іс-шараларды өткізуге жауапты о р г а н ы ;

арнайы құралдар және қамтамасыз ету материалдары - терроризмге қарсы арнайы құрылымдардың материалдары, техникалық және көлік құралдары, қару мен оқ-дәрісін, арнайы құралдары мен құрал-саймандарын қоса алғандағы жабдығы;

Орталық - Тәуелсіз Мемлекеттер Достастығына қатысушы мемлекеттердің Терроризмге қарсы орталығы.

1.2. Терроризмге қарсы бірлескен іс-шаралардың құқықтық негізін халықаралық құқықтың көпшілікке танылған принциптері мен нормалары, Тараптардың халықаралық міндеттемелері мен ұлттық заңдары, сондай-ақ осы Ереже құрайды.

1.3. Терроризмге қарсы бірлескен іс-шаралар, террористік іс-әрекеттің жолын кесу, с о н ы ң і ш і н д е

террористер басып алған кепілдегі адамдарды босату; қуаттылығы жоғары жарылғыш құрылғыларды немесе зиян келтіретін конструкциясы күрделі басқа да құрылғыларды залалсыздандыру;

террористер басып алған жоғары технологиялық және экологиялық қаупі жоғары объектілерді, атом өнеркәсібі, көлік, энергетика, химия өндірісі объектілерін және басқа объектілерді (дипломатиялық өкілдіктердің ғимараттары мен үй-жайлары және т . б .) б о с а т у ;

террористерді тұтқындау, террористік топтар мен құрылымдарды жою мақсатында ө т к і з і л е д і .

1.4. Сұрау салынатын Тараптың терроризмге қарсы арнайы құрылымына

қатысушылар терроризмге қарсы бірлескен іс-шараларды дайындау және өткізу кезеңінде халықаралық құқықтың көпшілікке танылған принциптері мен нормаларын және сұрау салушы Тараптың ұлттық заңдарын сақтауы тиіс.

1.5. Осы Ережені түсіндіру және қолдану кезінде туындайтын даулы мәселелер Тараптар арасында консультациялар мен келіссөздер жолымен шешіледі.

2. Терроризмге қарсы бірлескен іс-шараларды ұйымдастырудың тәртібі

2.1. Тараптар өздерінің заңдарына сәйкес терроризмге қарсы бірлескен іс-шараларды өткізуге жауапты құзіретті органдарды айқындайды, бұл жөнінде осы Ережені бекіткен Хаттаманың күшіне енуі үшін қажетті ішкі мемлекеттік рәсімдердің орындалғаны туралы хабарламамен бір мезгілде, сондай-ақ құзіретті органның атауының өзгергені туралы да депозитарийге хабарлайды.

Тараптардың құзіретті органдары терроризмге қарсы бірлескен іс-шараларды өткізуге арналған терроризмге қарсы арнайы құрылымдардың құрамы туралы
О р т а л ы қ қ а х а б а р л а й д ы .

2.2. Терроризмге қарсы арнайы құрылымдардың жеке құрамы өздерінің ұлттық оқу базасындағы және басқа да Тараптардың оқу орталықтарында, келісім-шарт негізінде Тараптардың құзіретті органдары Орталықтың қатысуымен әзірлеген бағдарламалар бойынша қосымша дайындықтан өтеді.

Тараптардың терроризмге қарсы арнайы құрылымдарының бірлескен дайындығы Орталық ұйымдастыратын командалық-штаб және жедел-тактикалық жаттығуларды өткізу барысында жүзеге асырылады. Тараптар өзара уағдаластық негізінде терроризмге қарсы арнайы құрылымдардың бірлескен оқу-жаттығуларын және өз құзыретті органдарының бөлімшелерінде басқа Тарап өкілдерін тәжірибеден өткізе
а л а д ы .

2.3. Терроризмге қарсы бірлескен іс-шараны өткізу туралы шешімді сұрау салатын Тарап сұрау салынатын Тараптың келісуі бойынша қабылдайды.

Егер терроризмге қарсы бірлескен іс-шараларды дайындау немесе өткізу кезінде бұған қатыспайтын Тараптың мүдделері қозғалатын болса, онда оның өтініші бойынша Тәуелсіз Мемлекеттер Достастығы мемлекеттері басшыларының кеңесі осы іс-шаралар
б о й ы н ш а ш е ш і м қ а б ы л д а й д ы .

2.4. 2.3.-тармақта көрсетілген шешімнің негізінде сұрау салатын Тараптың құзыретті органы сұрау салынатын Тараптың құзыретті органына көмектесуі туралы сұрау салады және бұл жөнінде Орталыққа хабарлайды.

Сұрау салу жазбаша нысанда, соның ішінде мәтінді берудің техникалық құралдарын пайдалана отырып, жіберіледі.

Сұрау салатын Тараптың құзыретті органының басшысы немесе оның орнындағы адам сұрау салуға қол қояды және ол осы органның елтаңбалы мөрімен
к у ә л а н д ы р ы л а д ы .

Сұрау салудың түпнұсқа екендігіне немесе мазмұнына күдік туған кезде сұрау салынатын Тарап қосымша растау сұрай алады.

2.5. Жіберілетін сұрау салуда мыналар болуы тиіс:
сұрау салатын Тараптың құзыретті органы мен сұрау салынатын Тараптың құзыретті органының атаулары;

істің мәнінің баяндалуы, сұрау салудың мақсаты мен негіздемесі;
сұралатын көмектің мазмұнының баяндалуы;
сұрау салынатын Тараптың терроризмге қарсы арнайы құрылымын терроризмге қарсы бірлескен іс-шара өткізілетін жерге жеткізудің және оны келген еліне кері қайтарудың тәсілдері мен шарттары туралы ақпарат, соның ішінде сұрау салатын Тараптың мемлекеттік шекарасынан өтудің орны, уақыты және тәртібі туралы мәліметтер;

сұрау салуды тиісті орындау үшін пайдалы болуы мүмкін өзге де ақпарат.

2.6. Сұрау салатын Тарап терроризмге қарсы арнайы құрылымдардың жеке құрамын, арнайы құралдары мен қамтамасыз ету материалдарын терроризмге қарсы бірлескен іс-шара өткізілетін жерге жеткізу үшін қажетті жағдайлар жасайды.

Орналастыру, тамақпен, көлікпен, медициналық қызметпен қамтамасыз ету, байланысты, соның ішінде арнайы байланысты да пайдалану сұрау салатын Тараптың есебінен жүзеге асырылады.

2.7. Терроризмге қарсы арнайы құрылымның немесе оның жекелеген қатысушыларының сұрау салатын Тараптың аумағында орын ауыстыруы арнайы рұқсат негізінде және сұрау салатын Тараптың құзыретті органы басшысының бақылауымен жүзеге асырылады.

Терроризмге қарсы арнайы құрылымның немесе оның жекелеген қатысушыларының сұрау салатын Тараптың аумағында орын ауыстыруы сұрау салатын Тараптың құзыретті органының ресми өкілінің бақылауымен жүзеге асырылады.

2.8. Тараптар терроризмге қарсы бірлескен іс-шара өткізудің тиімділігі мен жеделдігін арттыру мақсатында терроризмге қарсы арнайы құрылымдардың мемлекеттік шекарадан өтуі кезінде ұлттық заңдармен белгіленген рәсімдердің жедел орындалуын қамтамасыз етеді.

2.9. Терроризмге қарсы арнайы құрылымның басшысы мемлекеттік шекара арқылы өткізу бекетінде сұрау салынатын Тараптың құзыретті органдары куәландырған жеке құрамның атаулы тізімін және арнайы құралдар мен қамтамасыз ету материалдарының тізбесін, ал құрылымның барлық қатысушылары жеке басын куәландыратын құжаттарын көрсетеді.

2.10. Тараптар сұрау салынатын Тараптың терроризмге қарсы арнайы құрылымының терроризмге қарсы бірлескен іс-шара өткізілетін жерге жеткізілетін

және кері қайтарылатын арнайы құралдары мен қамтамасыз ету материалдарын кедендік және өзге де алымдар мен төлемдерден босатады.

3. Терроризмге қарсы бірлескен іс-шараларды өткізудің тәртібі

3.1. Сұрау салатын Тарап терроризмге қарсы бірлескен іс-шараларды өткізу кезінде терроризмге қарсы арнайы құрылымдарды тікелей басқару үшін басқару органын құрады.

Басқару органының басшысын сұрау салатын Тарап тағайындайды.

Басқару органының құрылымын, оның бөлімшелерінің міндеттері мен функцияларын басқару органының басшысы терроризмге қарсы бірлескен іс-шараларды өткізудің мақсатына қарай анықтайды. Басқару органында іс орыс тілінде жүргізіледі.

Басқару органы басшылығының құрамына терроризмге қарсы бірлескен іс-шараларға қатысатын терроризмге қарсы арнайы құрылымдардың басшылары, Тараптар мен Орталықтың құзыретті органдарының өкілдері енеді.

Тәуелсіз Мемлекеттер Достастығының мемлекет басшылары кеңесінің шешімі бойынша, ал қажет жағдайда ТМД мүдделі қатысушы мемлекеттер басшыларының шешімі бойынша терроризмге қарсы бірлескен іс-шараларды өткізуге басшылық жасау Орталыққа тапсырылуы мүмкін. Мұндай жағдайларда басқару органын Орталықтың Басшысы құрады.

3.2. Терроризмге қарсы бірлескен іс-шараны өткізуге тартылатын адамдар басқару органының басшысына бағынады.

3.3. Басқару органының басшысы:

терроризмге қарсы бірлескен іс-шараны дайындауға және өткізуге басшылық жасайды;

терроризмге қарсы бірлескен іс-шараны өткізуге тартылатын күш пен құралдарды пайдалану, олардың арнайы құралдарды және қамтамасыз ету материалдарын қолдануы туралы шешімдер қабылдайды;

басқару органының лауазымды адамдарды тағайындайды;

терроризмге қарсы бірлескен іс-шараны өткізудің жоспарын бекітеді;

адамдардың террористермен келіссөздер жүргізуіне рұқсат беруді жүзеге асырады;

сұрау салатын Тараптың мемлекеттік билік органдарының және бұқаралық ақпарат құралдарының басшыларына терроризмге қарсы бірлескен іс-шараларды өткізудің барысы мен нәтижелері туралы және террористік әрекет зардаптарының ауқымы туралы хабарлайды;

сұрау салатын Тарапқа терроризмге қарсы бірлескен іс-шараны аяқтау туралы ұсыныс енгізеді және оны өткізудің нәтижелері туралы Тараптардың құзыретті органдарына есеп береді.

3.4. Терроризмге қарсы бірлескен іс-шараларды өткізуге басшылық жасауға

араласуға тек қана сұрау салатын мемлекет басшысының тапсырмасы бойынша жол беріледі.

3.5. Терроризмге қарсы бірлескен іс-шараларды өткізу барысында басқару органының негізгі міндеттері:

жағдай туралы мәліметтер жинау, ақпаратты бағалау, қорыту және талдау, оны терроризмге қарсы арнайы құрылымдарға және терроризмге қарсы бірлескен іс-шараға тартылатын басқа бөлімшелерге жеткізу, басқару органы басшысының шешім қабылдауы үшін ұсыныстар дайындау;

терроризмге қарсы бірлескен іс-шараны өткізудің жоспарын әзірлеу; тартылатын күштерді, арнайы құралдар мен қамтамасыз ету материалдарын дайындау және қолдануды ұйымдастыру, болуы ықтимал келеңсіз зардаптардың алдын алу шараларын қабылдау;

келіссөздер жүргізу және терроризмге қарсы бірлескен іс-шараны өткізудің объектісі болып табылатын адамдармен келіссөздер жүргізуді ұйымдастыру тактикасын әзірлеу (қажет кезде);

мемлекеттік билік және жергілікті өзін-өзі басқару органдарымен өзара іс-қимыл жасауды жүзеге асыру;

жедел іздестіру іс-шараларын және тергеу іс-қимылдарын өткізуді қамтамасыз ету; өткізілген іс-шаралардың нәтижелерін қорытындылау болып табылады.

3.6. Басқару органының басшысы терроризмге қарсы бірлескен іс-шараны өткізу, соның ішінде күштерді, арнайы құралдар мен қамтамасыз ету материалдарын қолдану тәртібі туралы шешімді сұрау салынатын Тараптың терроризмге қарсы арнайы құрылымы басшысының келісуі бойынша қабылдайды. Шешім басқару органы басшысының жазбаша бұйрығымен ресімделеді.

Егер сұрау салынатын Тараптың терроризмге қарсы арнайы құрылымы басшысының пікірі назарға алынбайтын болса, онда ол сұрау салынатын Тараптың құзыретті органының келісуі бойынша өзі басқаратын бөлімшенің іс-шарасына қатысудан бас тартуға құқылы.

Сұрау салынатын Тараптың терроризмге қарсы арнайы құрылымының терроризмге қарсы бірлескен іс-шараға қатысудан бас тартуы туралы шешімді құрылым басшысы басқару органының басшысына жазбаша ұсынады.

3.7. Достастықтың сұрау салатын Тараппен шекараласатын мемлекетінің қауіпсіздігіне қатер туындаған жағдайда басқару органы осы мемлекеттің құзыретті органдарына қатердің сипаты мен ауқымы туралы хабарлайды, сондай-ақ оны оқшаулау жөнінде ұсыныстар әзірлейді.

3.8. Терроризмге қарсы бірлескен іс-шараларды өткізу кезінде террористік әрекеттер туралы жұртшылыққа хабарлау басқару органының басшысы немесе оның жұртшылықпен байланыс ұстауға жауапты өкілі сұрау салатын Тараптың ұлттық заңдарына сәйкес анықтайтын нысандар мен көлемде жүзеге асырылады.

3.9. Терроризм мен экстремизмді насихаттауға және ақтауға бағытталған, сондай-ақ

терроризмге қарсы арнайы құрылымға қатысушылар, басқару органының лауазымды адамдары және терроризмге қарсы бірлескен іс-шараларды өткізуге көмек беретін адамдар туралы;

терроризмге қарсы бірлескен іс-шараны өткізудің арнайы техникалық тәсілдері мен тактикасын ашатын;

терроризмге қарсы бірлескен іс-шараны өткізу кезінде пайдаланылатын күштердің, арнайы құралдар мен қамтамасыз ету материалдарының сипаттамасы туралы;

терроризмге қарсы бірлескен іс-шараны өткізуді қиындатуға және адамдардың өмірі мен денсаулығына қауіп төндіруге бейім ақпаратты таратуға жол берілмейді.

4. Терроризмге қарсы бірлескен іс-шараларды аяқтаудың және даулы мәселелерді реттеудің тәртібі

4.1. Сұрау салатын Тарап терроризмге қарсы бірлескен іс-шараларды аяқтау және басқару органын тарату туралы шешімді сұрау салынатын Тараптың, сондай-ақ терроризмге қарсы бірлескен іс-шараларды өткізуге басшылық жасау Орталыққа тапсырылған жағдайларда Орталықтың келісімі бойынша қабылдайды.

Сұрау салатын Тарап ТМД мемлекеттері басшыларының кеңесіне терроризмге қарсы бірлескен іс-шаралардың аяқталғаны туралы хабарлайды.

Басқару органының басшысы терроризмге қарсы бірлескен іс-шараның аяқталғаны және басқару органының таратылғаны туралы бұйрық шығарады.

Терроризмге қарсы арнайы құрылымдарды сұрау салатын Тараптың аумағынан шығарудың жоспары мен мерзімін сұрау салатын Тараптың құзыретті органы сұрау салынатын Тараптың құзыретті органының келісуі бойынша анықтап, бекітеді.

4.2. Сұрау салатын Тарап сұрау салынатын Тараптың терроризмге қарсы арнайы құрылымдарының жеке құрамын, арнайы құралдары мен қамтамасыз ету материалдарын жөнелтуді қамтамасыз етеді.

Сұрау салынатын Тараптың терроризмге қарсы арнайы құрылымы пайдаланылмаған арнайы құралдары мен қамтамасыз ету материалдары терроризмге қарсы бірлескен іс-шара аяқталған бойда сұрау салатын Тараптың аумағынан әкетілуі тиіс.

Егер айрықша мән-жайларға байланысты арнайы құралдар мен қамтамасыз ету материалдарын алып кету мүмкін болмаса, онда оны сұрау салынатын Тарап сұрау салатын Тарапқа өзара уағдаластық негізінде бере алады.

4.3. Сұрау салатын Тарап терроризмге қарсы бірлескен іс-шараларды өткізуге қатысатын сұрау салынатын Тарапқа, соның ішінде сұрау салатын Тараптың аумағында болған жеке және заңды тұлғаларға келтірілген зиянды (бұдан әрі - зиян), егер ол басқару органы қойған міндеттерді орындау кезінде келтірілсе, өтеуге қатысты қандайда да болсын талап қоюдан бас тартады.

Егер сұрау салынатын Тараптың терроризмге қарсы бірлескен іс-шараға қатысушылары, басқару органы қойған міндеттерді сұрау салатын Тараптың аумағында орындау кезінде зиян келтірсе, онда оны сұрау салатын Тарап өзінің терроризмге қарсы арнайы құрылымдарына қатысушылары осыған ұқсас мән-жайлар кезінде зиян келтіргенде қолданылуға тиіс ұлттық заңдарына сәйкес өтейді.

4.4. Сұрау салатын Тарап шеккен шығыстарды, әкелінген арнайы құралдары мен қамтамасыз ету материалдарының жоғалуына, толықтай не жартылай жойылуына байланысты шығыстарды қоса алғанда өтеу тәртібі, мүдделі Тараптар арасындағы уағдаластық бойынша белгіленеді.

4.5. Егер Тараптардың бірі терроризмге қарсы арнайы құрылымдардың іс-қимылдары арқылы келтірілген зиянды басқару органы қойған міндеттерге барабар емес деп санаған жағдайда, онда туындаған пікір алшақтықтарын мүдделі Тараптар консультация және келіссөз жолымен шешеді.

4.6. Сұрау салынатын Тараптың терроризмге қарсы құрылымдарына қатысушылардың сұрау салатын Тараптың аумағында осы Ереженің 4.3.-тармағында көзделмеген жағдайларда келтірген зияны мүдделі Тараптардың арасындағы уағдаластық бойынша өтеледі.

5. Терроризмге қарсы бірлескен іс-шараларға қатысушылардың құқықтық мәртебесі

5.1. Терроризмге қарсы бірлескен іс-шараларды өткізу кезінде сұрау салатын Тарап терроризмге қарсы бірлескен іс-шараларға қатысушылар мен олардың отбасы мүшелеріне жаралануға, мертiгуге немесе қаза табуға байланысты шығыстарды сұрау салатын Тараптың заңдарында көзделген тәртіп пен көлемде өтейді. Бұл ретте сұрау салынатын Тараптың терроризмге қарсы бірлескен іс-шараларға қатысушылары мен олардың отбасы мүшелері үшін оның заңдарында белгіленген жеңілдіктер, кепілдіктер және өтемақылар толық көлемде сақталады.

Осы тәртіп осындай зиян терроризмге қарсы бірлескен іс-шараларға қатысушылар сұрау салатын Тараптың аумағында болған кезеңде келтірілген жағдайда қолданылады.

5.2. Тараптардың әрқайсысы терроризмге қарсы бірлескен іс-шараларға қатысушылардың құқықтық жағдайын құрметтейді және халықаралық құқықтың жалпыға танылған нормаларына сәйкес олардың азаматтық құқықтары мен еркіндіктерін толықтай қамтамасыз етеді.

5.3. Сұрау салатын Тараптың аумағында терроризмге қарсы арнайы құрылымдардың уақытша болуына байланысты юрисдикция мәселелерінде Тараптар мына принциптерді басшылыққа алады:

терроризмге қарсы бірлескен іс-шараға қатысушы құқық бұзған кезде оған сұрау салынатын Тараптың заңдарына сәйкес жауапкершілік жүктеледі;

Тараптардың әрқайсысы өздерінің терроризмге қарсы арнайы құрылымдарының

құрамына кіретін терроризмге қарсы бірлескен іс-шараларға қатысушылардың және басқа Тарапқа немесе Тараптарға қарсы қылмыстар жасады деп күдік келтірілгендердің (айыпталғандардың) ізіне түсуді ұлттық заңдарға сәйкес жүзеге асыруға міндеттенеді; іс жүргізу іс-қимылдар жұмысы кезінде, сондай-ақ құқықтық көмек беру кезінде Тараптар ұлттық заңдарын және өздеріне алған халықаралық міндеттемелерді басшылыққа алады.

Осы мәтін Тәуелсіз Мемлекеттер Достастығына қатысушы мемлекеттердің аумақтарында терроризмге қарсы бірлескен іс-шараларды ұйымдастыру және өткізу тәртібі туралы ережені бекіту жөніндегі 2002 жылғы 7 қазандағы Ереженің мемлекеттік тілдегі тең аудармасы болып табылатындығын растаймын.

Қ а з а қ с т а н Р е с п у б л и к а с ы
Ұ л т т ы қ Қ а у і п с і з д і к К о м и т е т і

Департамент бастығының орынбасары

Тәуелсіз Мемлекеттер Достастығына қатысушы мемлекеттердің аумақтарында терроризмге қарсы бірлескен іс-шараларды ұйымдастыру және өткізу тәртібі жөніндегі ережені бекіту туралы Хаттамаға

Әзірбайжан Р е с п у б л и к а с ы н ы ң

айрықша пікірі

Әзірбайжан Республикасы "Тәуелсіз Мемлекеттер Достастығына қатысушы мемлекеттердің аумақтарында терроризмге қарсы бірлескен іс-шараларды ұйымдастыру және өткізу тәртібі туралы" Ережені іске асыруға аумағында осы іс-шаралар өткізілетін мемлекеттердің құзыретті органдарының сұрау салуларын ақпаратты талдау және консультативтік қамтамасыз ету шеңберінде және Әзірбайжан Республикасының ұлттық заңдарына қатаң сәйкестікпен ғана қатыса алады.

Әзірбайжан Р е с п у б л и к а с ы н ы ң

Президенті

Тәуелсіз Мемлекеттер Достастығына қатысушы мемлекеттер аумақтарында терроризмге қарсы бірлескен іс-шараларды ұйымдастыру және өткізу тәртібі жөніндегі ережені бекіту туралы Хаттаманың жобасына

Грузия ескертпесі

Грузия мына ескертулер мен ұсыныстарды ескере отырып, жобаны тұтастай қ о л д а й д ы :

- 4.1 тармақтың бірінші абзацындағы "...келісімі бойынша..." деген сөздер "...жазбаша хабарландыруы..." деген сөздермен ауыстырылсын және абзац осылай а я қ т а л с ы н ;

- 5.3 тармақтың екінші абзацындағы "...сұрау салынатын..." деген сөздердің орнына "...сұрау салатын..." деген сөздер енгізілсін.

Э. Шеварнадзе

Тәуелсіз Мемлекеттер Достастығына қатысушы мемлекеттер аумақтарында терроризмге қарсы бірлескен іс-шараларды ұйымдастыру және өткізу тәртібі жөніндегі ережені бекіту туралы Хаттамаға Ресей Федерациясының Ескертпелері

Осы Хаттамамен бекітілген Тәуелсіз Мемлекеттер Достастығына қатысушы мемлекеттер аумақтарында терроризмге қарсы іс-шараларды ұйымдастыру және өткізу тәртібі жөніндегі ережені қолданған кезде Ресей Федерациясы мыналарды негізге алады :

1. Ресей Тарабының терроризмге қарсы арнайы құрылымдарының құрамына кіретін және Тәуелсіз Мемлекеттер Достастығына қатысушы мемлекеттер аумақтарында терроризмге қарсы бірлескен іс-шараларды өткізуге қатысушы әскери қызметшілерге және өзге де тұлғаларға қатысты аумақтарында аталған іс-шаралар өткен Тараптардың заңдары қолданылмайды. Қандай жағдайда да олар Ресей Республикасының юрисдикциясында болады .

2. Ресей Тарабының терроризмге қарсы арнайы құрылымдарының арнайы құралдары мен қамтамасыз ету материалдары Ресей Федерациясының меншігі болып табылады және сұрау салатын Тараптың ұстауына жатпайды және (немесе) қандай түрде де болсын иелігінен шығарылмайды.

3. Сұрау салатын Тарап Ресей Тарабына терроризмге қарсы бірлескен іс-шаралар өткізуді сұрай отырып, осы ескертпені өзі үшін міндетті болып табылатын Хаттаманың құрамдас бөлігі деп таниды.

Ресей Федерациясының

Президенті

Осы мәтін Тәуелсіз Мемлекеттер Достастығына қатысушы мемлекеттердің аумақтарында терроризмге қарсы бірлескен іс-шараларды ұйымдастыру және өткізу тәртібі туралы ережені бекіту жөніндегі 2002 жылғы 7 қазандағы Хаттаманың мемлекеттік тілдегі тең аудармасы болып табылатындығын растаймын.

Қазақстан Республикасы

Ұлттық Қауіпсіздік Комитеті

Департамент бастығының орынбасары